

। अथ सप्तमोऽष्टकः ।

(प्रथमोऽध्यायः ॥ वर्गाः 1-41)

(6) 44 (म.9, अनु.2)

ऋषिः अयास्यः आङ्गिरसः	छन्दः गायत्री	देवता पवमानः सोमः
प्र णं इन्दो म्हे तनं ऊर्मिं न विभ्रदर्षसि	अ॒भि देवाँ अ॒यास्यः	॥ 1 ॥
मृती जुष्टो धिया हितः सोमो हिन्वे परावति	विप्रस्य॑ धारया कृविः	॥ 2 ॥
अयं देवेषु जागृविः सुत एति पवित्र आ	सोमो॑ याति विचर्षणिः	॥ 3 ॥
स नः पवस्व वाज्युश्चक्राणश्चरुमध्वरम्	बर्हिष्माँ॑ आ विवासति	॥ 4 ॥
स नो भगाय वायवे विप्रवीरः सदावृधः	सोमो॑ देवेष्वा यमत्	॥ 5 ॥
स नो अद्य वसुत्तये क्रतुविद्रातुवित्तमः	वाजं॑ जेषि श्रवो बृहत्	॥ 6 ॥

(6) 45 (म.9, अनु.2)

ऋषिः अयास्यः आङ्गिरसः	छन्दः गायत्री	देवता पवमानः सोमः
स पवस्व मदाय कं नृचक्षा देववीतये	इन्द्रविन्द्राय॑ पीतये	॥ 1 ॥
स नो अर्षाभि दूत्यंश् त्वमिन्द्राय तोशसे	देवान्तसखिभ्यु॑ आ वरम्	॥ 2 ॥
उत त्वामरुणं वयं गोभिरञ्जो मदाय कम्	विनो॑ राये दुरो वृधि	॥ 3 ॥
अत्यु पवित्रमक्रमीद्वाजी धुरं न यामनि	इन्द्रु॑र्देवेषु पत्यते	॥ 4 ॥
समी सखायो अस्वरन्वने क्रीळन्तमत्यविम्	इन्दुं॑ नावा अनूषत	॥ 5 ॥
तया पवस्व धारया यया पीतो विचक्षसे	इन्दो॑ स्तोत्रे सुवीर्यम्	॥ 6 ॥

(6) 46 (म.9, अनु.2)

ऋषिः अयास्यः आङ्गिरसः	छन्दः गायत्री	देवता पवमानः सोमः
असृग्रन्देववीतयेऽत्यासः कृत्व्याइव	क्षरन्तः॑ पर्वतावृधः	॥ 1 ॥
परिष्कृतासह इन्दवहो योषेविह पित्त्र्यावती	वह्युं॑ सोमा असृक्षत	॥ 2 ॥
एते सोमासु इन्दवः प्रयस्वन्तश्चमू सुताः	इन्द्रं॑ वर्धन्ति कर्माभिः	॥ 3 ॥
आ धावता सुहस्त्यः शुक्रा गृभ्णीत मन्थिना	गोभिः॑ श्रीणीत मत्सरम्	॥ 4 ॥
स पवस्व धनंजय प्रयन्ता राधसो महः	अ॒स्मभ्यं॑ सोम गातुवित्	॥ 5 ॥
एतं मृजन्ति मर्ज्यं पवमानं दश क्षिपः	इन्द्राय॑ मत्सरं मदम्	॥ 6 ॥

(5) 47 (म.9, अनु.2)

ऋषिः कविः भार्गवः	छन्दः गायत्री	देवता पवमानः सोमः
अया सोमः सुकृत्यया महश्चिदुभ्यवर्धत	म॒न्दान॑ उद्वृषायते	॥ 1 ॥
कृतानीदस्य कर्त्वा चेतन्ते दस्युतर्हणा	ऋ॒णा च॑ धृष्णुश्चयते	॥ 2 ॥
आत्सोमं इन्द्रियो रसो वज्रः सहस्रसा भुवत्	उक्थं॑ यदस्य जायते	॥ 3 ॥
स्वयं कविर्विधुर्ति विप्राय रत्नमिच्छति	यदी॑ मर्मृज्यते धियः	॥ 4 ॥
सिषासतू रयीणां वाजेष्वर्वातामिव	भरे॑षु जिग्युषामसि	॥ 5 ॥

(5)

48

(म.9, अनु.2)

ऋषिः कविः भार्गवः	छन्दः गायत्री	देवता पवमानः सोमः
-------------------	---------------	-------------------

तं त्वा नृम्णानि बिभ्रतं सधस्थेषु महो दिवः	चारुं सुकृत्ययेमहे	॥ 1 ॥
संवृक्तधृष्णमुक्थ्यं महामहिब्रतं मदम्	शतं पुरो रुरुक्षणिम्	॥ 2 ॥
अतस्त्वा रयिमभि राजानं सुक्रतो दिवः	सुपर्णो अव्यधिर्भरत्	॥ 3 ॥
विश्वस्मा इत्स्वर्दृशे साधारणं रजस्तुरम्	गोपामृतस्य विर्भरत्	॥ 4 ॥
अथा हिन्वान इन्द्रियं ज्यायो महित्वमानशे	अभिष्टिकृद्विचर्षणिः	॥ 5 ॥

(5)

49

(म.9, अनु.2)

ऋषिः कविः भार्गवः	छन्दः गायत्री	देवता पवमानः सोमः
-------------------	---------------	-------------------

पवस्व वृष्टिमा सु नोऽपामूर्मि दिवस्परि	अयक्ष्मा बृहतीरिषः	॥ 1 ॥
तया पवस्व धारया यया गाव इहागमन्	जन्यासु उप नो गृहम्	॥ 2 ॥
घृतं पवस्व धारया यज्ञेषु देव्वीतमः	अस्मभ्यं वृष्टिमा पव	॥ 3 ॥
स न ऊर्जे व्यश्व्ययं पवित्रं धाव धारया	देवासः शृणवन् हि कम्	॥ 4 ॥
पवमानो असिष्यदुद्रक्षांस्यपुजङ्घनत्	प्रत्नवद्रोचयनुचः	॥ 5 ॥

(5)

50

(म.9, अनु.2)

ऋषिः उचथ्यः आङ्गिरसः	छन्दः गायत्री	देवता पवमानः सोमः
----------------------	---------------	-------------------

उत्ते शुष्मास ईरते सिन्धोरूर्मेरिव स्वनः	वाणस्य चोदया पविम्	॥ 1 ॥
प्रसवे त उदीरते तिस्रो वाचो मखस्युवः	यदव्य एषि सानवि	॥ 2 ॥
अव्यो वारे परि प्रियं हरिं हिन्वन्त्यद्रिभिः	पवमानं मधुश्चुतम्	॥ 3 ॥
आ पवस्व मदिन्तम पवित्रं धारया कवे	अर्कस्य योनिमासदम्	॥ 4 ॥
स पवस्व मदिन्तम् गोभिरञ्जानो अक्तुभिः	इन्द्रविन्द्राय पीतये	॥ 5 ॥

(5)

51

(म.9, अनु.2)

ऋषिः उचथ्यः आङ्गिरसः	छन्दः गायत्री	देवता पवमानः सोमः
----------------------	---------------	-------------------

अध्वर्यो अद्रिभिः सुतं सोमं पवित्र आ सृज	पुनीहीन्द्राय पातवे	॥ 1 ॥
दिवः पीयूषमुत्तमं सोममिन्द्राय वृजिणे	सुनोता मधुमत्तमम्	॥ 2 ॥
तव त्य इन्द्रो अन्धसो देवा मधोर्व्यश्रते	पवमानस्य मरुतः	॥ 3 ॥
त्वं हि सोम वर्धयन्त्सुतो मदाय भूर्णये	वर्षन्स्तोतारमृतये	॥ 4 ॥
अभ्यर्ष विचक्षण पवित्रं धारया सुतः	अभि वाजमुत श्रवः	॥ 5 ॥

(5)

52

(म.9, अनु.2)

ऋषिः उचथ्यः आङ्गिरसः	छन्दः गायत्री	देवता पवमानः सोमः
----------------------	---------------	-------------------

परि द्युक्षः सनद्रयिर्भरद्वाजं नो अन्धसा	सुवानो अर्ष पवित्र आ	॥ 1 ॥
तव प्रतोभिरध्वभिरव्यो वारे परि प्रियः	सहस्रधारो यात्तना	॥ 2 ॥
चरुर्न यस्तमीङ्घ्रयेन्द्रो न दानमीङ्घ्रय	वधैर्वधस्त्रवीङ्घ्रय	॥ 3 ॥
नि शुष्ममिन्दवेषां पुरुहूत जनानाम्	यो अस्मां आदिदेशति	॥ 4 ॥

शतं न इन्द्र ऊतिभिः सहस्रं वा शुचीनाम् । पवस्व मंहयद्रयिः ॥ 5 ॥

(4) 53 (म.9, अनु.2)

ऋषिः अवत्सारः काश्यपः छन्दः गायत्री देवता पवमानः सोमः

उत्ते शुष्मासो अस्थू रक्षो भिन्दन्तो अद्रिवः । नुदस्व याः परिस्पृधः ॥ 1 ॥

अया निज्जिरोजसा रथसङ्गे धने हिते । स्तवा अबिभ्युषा हृदा ॥ 2 ॥

अस्य व्रतानि नाधृषे पवमानस्य दूढ्या । रुज यस्त्वा पृतन्यति ॥ 3 ॥

तं हिन्वन्ति मदच्युतं हरिं नदीषु वाजिनम् । इन्दुमिन्द्राय मत्सुरम् ॥ 4 ॥

(4) 54 (म.9, अनु.2)

ऋषिः अवत्सारः काश्यपः छन्दः गायत्री देवता पवमानः सोमः

अस्य प्रलामनु द्युतं शुक्रं दुदुहे अहयः । पर्यः सहस्रसामृषिम् ॥ 1 ॥

अयं सूर्यइवोपृष्टयं सरांसि धावति । सप्त प्रवत् आ दिवम् ॥ 2 ॥

अयं विश्वानि तिष्ठति पुनानो भुवनोपरि । सोमो देवो न सूर्यः ॥ 3 ॥

परि णो देववीतये वाजो अर्षसि गोमतः । पुनान इन्द्रविन्द्रयुः ॥ 4 ॥

(4) 55 (म.9, अनु.2)

ऋषिः अवत्सारः काश्यपः छन्दः गायत्री देवता पवमानः सोमः

यवयवं नो अन्धसा पुष्टपुष्टं परि स्रव । सोम विश्वा च सौभगा ॥ 1 ॥

इन्द्रो यथा तव स्तवो यथा ते जातमन्धसः । नि बर्हिषि प्रिये सदः ॥ 2 ॥

उत नो गोविदश्ववित्पवस्व सोमान्धसा । मक्षूतमेभिरहभिः ॥ 3 ॥

यो जिनाति न जीयते हन्ति शत्रुमभीत्य । स पवस्व सहस्रजित् ॥ 4 ॥

(4) 56 (म.9, अनु.2)

ऋषिः अवत्सारः काश्यपः छन्दः गायत्री देवता पवमानः सोमः

परि सोमं ऋतं बृहदाशुः पवित्रे अर्षति । विघ्नत्रक्षांसि देव्युः ॥ 1 ॥

यत्सोमो वाजमर्षति शतं धारा अपस्युवः । इन्द्रस्य सख्यमाविशन् ॥ 2 ॥

अभि त्वा योषणो दशं जारं न कन्यानूषत । मृज्यसे सोम सातये ॥ 3 ॥

त्वमिन्द्राय विष्णवे स्वादुरिन्द्रो परि स्रव । नृन्तस्तोतृन्पाह्यंहसः ॥ 4 ॥

(4) 57 (म.9, अनु.2)

ऋषिः अवत्सारः काश्यपः छन्दः गायत्री देवता पवमानः सोमः

प्र ते धारा असश्चतो दिवो न यन्ति वृष्टयः । अच्छा वाजं सहस्रिणाम् ॥ 1 ॥

अभि प्रियाणि काव्या विश्वा चक्षाणो अर्षति । हरिस्तुञ्जान आयुधा ॥ 2 ॥

स मर्मजान आयुभिरिभो राजेव सुव्रतः । श्येनो न वंसु षीदति ॥ 3 ॥

स नो विश्वा दिवो वसूतो पृथिव्या अधि । पुनान इन्दुवा भर ॥ 4 ॥

(4)

58

(म.9, अनु.2)

ऋषिः अवत्सारः काश्यपः	छन्दः गायत्री	देवता पवमानः सोमः
-----------------------	---------------	-------------------

तरत्स मन्दी धावति धारा सुतस्यान्धसः	तरत्स मन्दी धावति	॥ 1 ॥
उस्त्रा वैद् वसूनां मर्तस्य देव्यवसः	तरत्स मन्दी धावति	॥ 2 ॥
ध्वस्त्रयोः पुरुषन्त्योरा सहस्राणि दद्महे	तरत्स मन्दी धावति	॥ 3 ॥
आ ययोस्त्रिंशत् तना सहस्राणि च दद्महे	तरत्स मन्दी धावति	॥ 4 ॥

(4)

59

(म.9, अनु.2)

ऋषिः अवत्सारः काश्यपः	छन्दः गायत्री	देवता पवमानः सोमः
-----------------------	---------------	-------------------

पवस्व गोजिदंश्वजिद्विश्वजित्सोम रण्यजित्	प्रजावद्रत्नमा भर	॥ 1 ॥
पवस्वाद्ध्यो अदाभ्युः पवस्वौषधीभ्यः	पवस्व धिषणाभ्यः	॥ 2 ॥
त्वं सोम पवमानो विश्वानि दुरिता तर	क्विः सीद् नि बर्हिषि	॥ 3 ॥
पवमान् स्वर्विदो जायमानोऽभवो महान्	इन्द्रो विश्वाँ अभीदसि	॥ 4 ॥

(4)

60

(म.9, अनु.2)

ऋषिः अवत्सारः काश्यपः	छन्दः गायत्री 1-2,4 पुरउष्णिक 3	देवता पवमानः सोमः
-----------------------	---------------------------------	-------------------

प्र गायत्रेण गायत् पवमानं विचर्षणिम्	इन्द्रुं सहस्रचक्षसम्	॥ 1 ॥
तं त्वा सहस्रचक्षसमथो सहस्रभर्णसम्	अति वारमपाविषुः	॥ 2 ॥
अति वारान्पवमानो असिष्यदत्कलशाँ अभि धावति। इन्द्रस्य हाद्याँविशन्		॥ 3 ॥
इन्द्रस्य सोम राधसे शं पवस्व विचर्षणे	प्रजावद्रेत् आ भर	॥ 4 ॥

(30)

61

(म.9, अनु.3)

ऋषिः अमहीयुः आङ्गिरसः	छन्दः गायत्री	देवता पवमानः सोमः
-----------------------	---------------	-------------------

अया वीती परिं स्रव् यस्त इन्द्रो मदेष्वा	अवाहन्नवतीर्नव	॥ 1 ॥
पुरं सद्य इत्थाधिये दिवोदासाय शम्बरम्	अध त्वं तुर्वशं यदुम्	॥ 2 ॥
परिं णो अश्वमश्वविद्वोमदिन्द्रो हिरण्यवत्	क्षरा सहस्रिणीरिषः	॥ 3 ॥
पवमानस्य ते वयं पवित्रमभ्युन्दतः	सखित्वमा वृणीमहे	॥ 4 ॥
ये ते पवित्रमूर्मयोऽभिक्षरन्ति धारया	तेभिर्नः सोम मृळय	॥ 5 ॥
स नः पुनान आ भर रयिं वीरवतीमिषम्	ईशानः सोम विश्वतः	॥ 6 ॥
एतमु त्वं दश क्षिपो मृजन्ति सिन्धुमातरम्	समादित्येभिरख्यत	॥ 7 ॥
समिन्द्रेणोत वायुना सुत एति पवित्र आ	सं सूर्यस्य रश्मिभिः	॥ 8 ॥
स नो भगाय वायवे पूष्णे पवस्व मधुमान्	चारुर्मित्रे वरुणे च	॥ 9 ॥
उच्चा ते जातमन्धसो दिवि षड्भूम्या ददे	उग्रं शर्म महि श्रवः	॥ 10 ॥
एना विश्वान्युर्य आ द्युम्नानि मानुषाणाम्	सिषासन्तो वनामहे	॥ 11 ॥
स न इन्द्राय यज्यवे वरुणाय मरुद्भ्यः	वरिवोवित्परिं स्रव	॥ 12 ॥

उपो षु जातमसुरं गोभिर्भुङ्गं परिष्कृतम्	इन्द्रं देवा अयासिषुः	॥ 13 ॥
तमिद्वर्धन्तु नो गिरौ वृत्सं संशिश्वरीरिव	य इन्द्रस्य हृदंसनिः	॥ 14 ॥
अर्षा णः सोम शं गवे धुक्षस्व पिप्युषीमिषम्	वर्धा समुद्रमुक्थ्यम्	॥ 15 ॥
पर्वमानो अजीजनद्विवश्चित्रं न तन्युतुम्	ज्योतिर्वैश्वानरं बृहत्	॥ 16 ॥
पर्वमानस्य ते रसो मदो राजन्नदुच्छुनः	वि वारमव्यमर्षति	॥ 17 ॥
पर्वमानु रसस्तव दक्षो वि राजति द्युमान्	ज्योतिर्विश्वं स्वर्दृशे	॥ 18 ॥
यस्ते मदो वरैण्यस्तेना पवस्वान्धसा	देवावीरघशंसहा	॥ 19 ॥
जघ्निर्वृत्रममित्रियं सस्त्रिर्वाजं दिवेदिवे	गोषा उ अश्वसा असि	॥ 20 ॥
संमिश्लो अरुषो भव सूपस्थाभिर्न धेनुभिः	सीदञ्छ्येनो न योनिमा	॥ 21 ॥
स पवस्व य आविथेन्द्रं वृत्राय हन्तवे	वृत्रिवांसं महीरुपः	॥ 22 ॥
सुवीरासो वयं धना जयेम सोम मीद्वः	पुनानो वर्ध नो गिरः	॥ 23 ॥
त्वोतासस्तवावसा स्याम वन्वन्त आमुरः	सोम व्रतेषु जागृहि	॥ 24 ॥
अपघ्नन्ववते मृधोऽपु सोमो अराव्णः	गच्छन्निन्द्रस्य निष्कृतम्	॥ 25 ॥
महो नो राय आ भर पर्वमान जही मृधः	रास्वेन्दो वीरवृद्यशः	॥ 26 ॥
न त्वा शतं च न हृतो राधो दित्सन्तमा मिनन्	यत्पुनानो मखस्यसे	॥ 27 ॥
पर्वस्वेन्दो वृषा सुतः कृधी नो यशसो जने	विश्वा अप द्विषो जहि	॥ 28 ॥
अस्य ते सख्ये वयं तवेन्दो द्युम्न उतमे	सासह्याम पृतन्यतः	॥ 29 ॥
या ते भीमान्यारुधा तिग्मानि सन्ति धूर्वणे	रक्षा समस्य नो निदः	॥ 30 ॥

(30)

62

(म.9, अनु.3)

ऋषिः जमदग्निः भार्गवः	छन्दः गायत्री	देवता पवमानः सोमः
एते असृग्रमिन्दवस्तिरः पवित्रमाशवः	विश्वान्युभि सौभगा	॥ 1 ॥
विघ्नन्तो दुरिता पुरु सुगा तोकार्य वाजिनः	तना कृण्वन्तो अर्वते	॥ 2 ॥
कृण्वन्तो वरिवो गवेऽभ्यर्षन्ति सुष्टुतिम्	इळामस्मभ्यं संयतम्	॥ 3 ॥
असाव्यंशुर्मदायाप्सु दक्षो गिरिष्ठाः	श्येनो न योनिमासदत्	॥ 4 ॥
शुभ्रमन्धो देववातमप्सु धृतो नृभिः सुतः	स्वदन्ति गावः पयोभिः	॥ 5 ॥
आदीमश्वं न हेतारोऽशूशुभन्नमृताय	मध्वो रसं सधमादे	॥ 6 ॥
यास्ते धारा मधुश्रुतोऽसृग्रमिन्द उतये	ताभिः पवित्रमासदः	॥ 7 ॥
सो अर्षेन्द्राय पीतये तिरो रोमाण्यव्यया	सीदन् योना वनेष्वा	॥ 8 ॥
त्वमिन्दो परि स्रव स्वादिष्ठो अङ्गिरोभ्यः	वरिवोविद्धृतं पर्यः	॥ 9 ॥
अयं विचर्षणिर्हितः पर्वमानः स चैतति	हिन्वान आप्यं बृहत्	॥ 10 ॥
एष वृषा वृषव्रतः पर्वमानो अशस्तिहा	करद्वसूनि दाशुषे	॥ 11 ॥
आ पवस्व सहस्रिणं रयिं गोमन्तमश्विनम्	पुरुश्चन्द्रं पुरुस्पृहम्	॥ 12 ॥

एष स्य परिं षिच्यते मर्मृज्यमान आयुभिः	उरुगायः कविक्रतुः	॥ 13 ॥
सहस्रौतिः शतामघो विमानो रजसः कविः	इन्द्राय पवते मदः	॥ 14 ॥
गिरा जात इह स्तुत इन्दुरिन्द्राय धीयते	वियोना वसताविव	॥ 15 ॥
पर्वमानः सुतो नृभिः सोमो वाजमिवासरत्	चमूषु शकर्मनासदम्	॥ 16 ॥
तं त्रिपृष्ठे त्रिवन्धुरे रथे युञ्जन्ति यातवे	ऋषीणां सप्त धीतिभिः	॥ 17 ॥
तं सौतारो धनुस्पृतमाशुं वाजाय यातवे	हरिं हिनोत वाजिनम्	॥ 18 ॥
आविशन्कलशं सुतो विश्वा अर्षन्नभि श्रियः	शूरो न गोषु तिष्ठति	॥ 19 ॥
आ तं इन्द्रो मदाय कं पयो दुहन्त्यायवः	देवा देवेभ्यो मधु	॥ 20 ॥
आ नः सोमं पवित्र आ सृजता मधुमत्तमम्	देवेभ्यो देवश्रुत्तमम्	॥ 21 ॥
एते सोमा असृक्षत गृणानाः श्रवसे महे	मदिन्तमस्य धारया	॥ 22 ॥
अभि गव्यानि वीतये नृम्णा पुनानो अर्षसि	सनद्वाजुः परिं स्रव	॥ 23 ॥
उत नो गोमतीरिषो विश्वा अर्ष परिष्टुभः	गृणानो जमदग्निना	॥ 24 ॥
पर्वस्व वाचो अग्रियः सोमं चित्राभिरूतिभिः	अभि विश्वानि काव्या	॥ 25 ॥
त्वं समुद्रिया अपौऽग्रियो वाच ईरयन्	पर्वस्व विश्वमेजय	॥ 26 ॥
तुभ्येमा भुवना कवे महिम्ने सोम तस्थिरे	तुभ्यमर्षन्ति सिन्धवः	॥ 27 ॥
प्र ते दिवो न वृष्टयो धारा यन्त्यसुश्चतः	अभि शुक्रामुपस्तिरम्	॥ 28 ॥
इन्द्रायेन्दुं पुनीतनोग्रं दक्षाय साधनम्	ईशानं वीतिराधसम्	॥ 29 ॥
पर्वमान ऋतः कविः सोमः पवित्रमासदत्	दधत्स्तोत्रे सुवीर्यम्	॥ 30 ॥

(30)

63

(म.9, अनु.3)

ऋषिः निधुविः काश्यपः	छन्दः गायत्री	देवता पवमानः सोमः
आ पर्वस्व सहस्रिणं रयिं सोम सुवीर्यम्	अस्मे श्रवांसि धारय	॥ 1 ॥
इषमूर्जं च पिन्वसु इन्द्राय मत्सरिन्तमः	चमूष्वा नि षीदसि	॥ 2 ॥
सुत इन्द्राय विष्णावे सोमः कलशं अक्षरत्	मधुमाँ अस्तु वायवे	॥ 3 ॥
एते असृग्रमाशवोऽति ह्वरांसि बृभ्रवः	सोमा ऋतस्य धारया	॥ 4 ॥
इन्द्रं वर्धन्तो अमुरः कृण्वन्तो विश्वमार्यम्	अपन्नन्तो अराव्णः	॥ 5 ॥
सुता अनु स्वमा रजोऽभ्यर्षन्ति बृभ्रवः	इन्द्रं गच्छन्त इन्दवः	॥ 6 ॥
अया पर्वस्व धारया यया सूर्यमरोचयः	हिन्वानो मानुषीरुपः	॥ 7 ॥
अयुक्त सूर एतशं पर्वमानो मनावधि	अन्तरिक्षेण यातवे	॥ 8 ॥
उत त्या हरितो दश शूरो अयुक्त यातवे	इन्दुरिन्द्र इति ब्रुवन्	॥ 9 ॥
परीतो वायवे सुतं गिर इन्द्राय मत्सरम्	अव्यो वारेषु सिञ्चत	॥ 10 ॥
पर्वमान विदा रयिमस्मभ्यं सोम दुष्टरम्	यो दूणाशो वनुष्यता	॥ 11 ॥

अभ्यर्ष सहस्रिणं रुयिं गोमन्तमृश्विनम्	अ॒भि वाज॑मुत् श्रवः	॥ 12 ॥
सोमो देवो न सूर्योऽद्रिभिः पवते सुतः	दधानः क॒लशे॑ रसम्	॥ 13 ॥
एते धामान्यार्या शुक्रा ऋतस्य धारया	वाजं॑ गोमन्तमक्षरन्	॥ 14 ॥
सुता इन्द्राय वृजिणे सोमासो दध्याशिरः	प॒वित्र॑मत्यक्षरन्	॥ 15 ॥
प्र सोमं मधुमत्तमो राये अर्ष पवित्र आ	म॒दो यो दे॑ववीतमः	॥ 16 ॥
तमीं मृजन्त्यायवो हरिं नदीषु वाजिनम्	इ॒न्दुमि॑न्द्राय मत्सरम्	॥ 17 ॥
आ पवस्व हिरण्यवदश्वोवत्सोम वीरवत्	वाजं॑ गोमन्तमा भर	॥ 18 ॥
परि वाजे न वाज्युमव्यो वारेषु सिञ्चत	इ॒न्द्राय॑ मधुमत्तमम्	॥ 19 ॥
कविं मृजन्ति मर्ज्यं धीभिर्विप्रा अवस्यवः	वृषा॑ कर्निक्रदर्षति	॥ 20 ॥
वृषणं धीभिरुत्तुरं सोममृतस्य धारया	म॒ती वि॑प्राः समस्वरन्	॥ 21 ॥
पवस्व देवायुषगिन्द्रं गच्छतु ते मदः	वा॒युमा॑ रोह धर्माणा	॥ 22 ॥
पवमान् नि तोशसे रुयिं सोमं श्रवाय्यम्	प्रि॒यः सं॑मुद्रमा विश	॥ 23 ॥
अपघ्नन्पवसे मृधः क्रतुवित्सोम मत्सरः	नु॒दस्वा॑दैवयुं जनम्	॥ 24 ॥
पवमाना असृक्षत् सोमाः शुक्रासु इन्दवः	अ॒भि विश्वा॑नि काव्या	॥ 25 ॥
पवमानास आशवः शुभ्रा असृग्रमिन्दवः	घ्नन्तो॑ विश्वा अप द्विषः	॥ 26 ॥
पवमाना दिवस्पर्यन्तरिक्षादसृक्षत	पृथि॑व्या अधि सानवि	॥ 27 ॥
पुनानः सोमं धारयेन्दो विश्वा अप स्त्रिधः	ज॒हि रक्षा॑सि सुक्रतो	॥ 28 ॥
अपघ्नन्त्सोम रक्षसोऽभ्यर्ष कर्निक्रदत्	द्यु॒मन्तं॑ शुष्ममुत्तमम्	॥ 29 ॥
अस्मे वसूनि धारय सोमं दिव्यानि पार्थिवा	इ॒न्दो विश्वा॑नि वार्या	॥ 30 ॥

(30)

64

(म.9, अनु.3)

ऋषिः मारीचः कश्यपः	छन्दः गायत्री	देवता पवमानः सोमः
वृषा सोमं द्युमाँ असि वृषा देव वृषव्रतः	वृषा॑ धर्माणि दधिषे	॥ 1 ॥
वृष्णस्ते वृष्ण्यं शवो वृषा वनं वृषा मदः	स॒त्यं वृ॑षन्वृषेदसि	॥ 2 ॥
अश्वो न चक्रदो वृषा सं गा इन्दो समर्वतः	वि॒ नो रा॑ये दुरो वृधि	॥ 3 ॥
असृक्षत् प्र वाजिनो गव्या सोमासो अश्वया	शु॒क्रासो॑ वीरयाशवः	॥ 4 ॥
शुम्भमाना ऋतायुभिर्मृज्यमाना गभस्त्योः	प॒वन्ते॑ वारै अ॒व्यये॑	॥ 5 ॥
ते विश्वा द्वाशुषे वसु सोमा दिव्यानि पार्थिवा	प॒वन्ता॑मान्तरिक्ष्या	॥ 6 ॥
पवमानस्य विश्ववित्प्र ते सर्गा असृक्षत	सूर्य॑स्येव न रश्मयः	॥ 7 ॥
केतुं कृण्वन्दिवस्परि विश्वा रूपाभ्यर्षसि	स॒मुद्रः॑ सोम पिन्वसे	॥ 8 ॥
हिन्वानो वाचमिष्यसि पवमान विधर्मणि	अ॒क्रान्दे॑वो न सूर्यः	॥ 9 ॥
इन्दुः पविष्ट चेतनः प्रियः कवीनां मती	सृ॒जद॑श्वं रथीरिव	॥ 10 ॥
ऊर्मिर्यस्ते पवित्र आ देवावीः पर्यक्षरत्	सी॒दन्नृ॑तस्य योनिमा	॥ 11 ॥

स नो अर्ष पवित्र आ मदो यो देववीतमः	इन्द्रविन्द्राय पीतये	॥ 12 ॥
इषे पवस्व धारया मृज्यमानो मनीषिभिः	इन्द्रो रुचाभि गा ईहि	॥ 13 ॥
पुनानो वरिवस्कृध्यूर्ज जनाय गिर्वणः	हरै सृजान आशिरम्	॥ 14 ॥
पुनानो देववीतय इन्द्रस्य याहि निष्कृतम्	द्युतानो वाजिभिर्यतः	॥ 15 ॥
प्र हिन्वानास इन्द्रवोऽच्छा समुद्रमाशवः	धिया जूता असृक्षत	॥ 16 ॥
मर्मृजानास आयवो वृथा समुद्रमिन्दवः	अगमन्नृतस्य योनिमा	॥ 17 ॥
परि णो याह्यस्मयुर्विश्वा वसून्योजसा	पाहि नः शर्म वीरवत्	॥ 18 ॥
मिमाति वह्निरेतशः पदं युजान ऋक्भिः	प्र यत्समुद्र आहितः	॥ 19 ॥
आ यद्योनिं हिरण्ययमाशुर्ऋतस्य सीदति	जहात्यप्रचेतसः	॥ 20 ॥
अभि वेना अनूषतेयक्षन्ति प्रचेतसः	मज्जन्त्यविचेतसः	॥ 21 ॥
इन्द्रायेन्दो मरुत्वते पवस्व मधुमत्तमः	ऋतस्य योनिमासदम्	॥ 22 ॥
तं त्वा विप्रा वचोविदुः परिष्कृण्वन्ति वेधसः	सं त्वा मृजन्त्यायवः	॥ 23 ॥
रसं ते मित्रो अर्यमा पिबन्ति वरुणः कवे	पवमानस्य मरुतः	॥ 24 ॥
त्वं सोम विपश्चितं पुनानो वाचमिष्यसि	इन्द्रो सहस्रभर्णसम्	॥ 25 ॥
उतो सहस्रभर्णसं वाचं सोम मखस्युर्वम्	पुनान इन्द्रवा भर	॥ 26 ॥
पुनान इन्द्रवेषां पुरुहूत जनानाम्	प्रियः समुद्रमा विश	॥ 27 ॥
दविद्युतत्या रुचा परिष्टोभन्त्या कृपा	सोमाः शुक्रा गवाशिरः	॥ 28 ॥
हिन्वानो हेतृभिर्यत आ वाजं वाज्यक्रमीत्	सीदन्तो वनुषो यथा	॥ 29 ॥
ऋधक्सौम स्वस्तये संजग्मानो दिवः कविः	पवस्व सूर्यो दृशे	॥ 30 ॥

| इति सप्तमाष्टके प्रथमोऽध्यायः समाप्तः ।